

ԱՐՏԱՇԵՍ ԿԱՐԻՆՅԱՆ

(ՄԵՆՏՅԱՆ 100-ամյակի առթիվ)

Պրոֆ. Խ. Հ. ԲԱՐՍԵՂՅԱՆ

Էրացավ ականավոր բուլշևիկ-հեղափոխական, Անդրկովկասի կուսակցական, պետական նշանավոր գործիչ, մարքսիստ գրականագետ, պատմաբան, Հայկական ՍՍՀ ԳԱ ակադեմիկոս, սոցիալիստական աշխատանքի հերոս Արտաշես Կարինյանի ծննդյան 100-ամյակը:

Արտաշես Բալասիի Կարինյանը ծնվել է 1886 թ. նոյեմբերի 24-ին, Բաբու քաղաքի Բալասիանի արվարձանում: Նրա հայրը երկար տարիներ աշխատել է երկրամասի արդյունաբերական խոշոր կենտրոնում՝ Բաքվի նավթարդյունաբերության մեջ: Նախնական կրթությունը ստացել է հայրենի քաղաքում: Ականատես է եղել դարասկզբին Բաքվում ծավալված պրոլետարական հեղափոխական շարժումներին, մայիսյան փոթորկոտ ցույցերին ու մայրուկյաներին, 1904 թ. քաղաքական խոշոր գործադուլին: Բազմազգ պրոլետարատի քաղաքական պայքարն իր բարերար ազդեցությունն է թողնում պատանի Արտաշեսի գաղափարական-քաղաքական դաստիարակության վրա: Ռուսաստանյան առաջին ժողովրդական հեղափոխության նախօրերին, Բաքվի առաջին դիմադրիայի սան, տասնիննամյա Արտաշես Կարինյանը նետվում է ուսանող երիտասարդության հեղափոխական շարժումների հորձանուտը, գործուն մասնակցություն ցուցաբերում աշակերտական «Նաբատ» ալմանախի հրատարակությանը: 1906 թ. «Բրուտ» ծածկանունով լույս է տեսնում նրա գրական երախտիքը՝ «Գրականություն և կյանք» գրականագիտական-հրատարակչական գրքույկը, որը նվիրված էր պրոլետարական գրականության հիմնադիր Մաքսիմ Գորկու «Հովեկներ» պիեսի արժեքավորմանը: Հետագայում նա բազմիցս անդրադարձել է Մաքսիմ Գորկու ստեղծագործություններին, ըստ արժանավույն գնահատել դրանք, դարձել նրա երկերի պրոպագանդիստն ու գաղափարների տարածողը:

1905—1907 թթ. բուլշևիկյան հայ մամուլում, հատկապես «Կայծ» և «Ջայն» թերթերում, Լևոն Բրուտյան ստորագրությամբ, լույս են տեսնում նրա «Մեր նորագույն անարխիստները», «Մի կուսակցության էվոլյուցիայի մասին» (ընդդեմ էսեռներին) և այլ հոդվածները: «Մեր նորագույն անարխիստները» հոդվածում նա քողադերձում է կովկասյան անարխիստներին և նրանց արյունակից ու համախոհ դաշնակցականներին: 1906—1910 թթ. Ա. Կարինյանը սովորել է և ավարտել Պետերբուրգի համալսարանի իրավաբանական ֆակուլտետը: 1907 թ. շատ բախտորոշ եղավ նրա կյանքում: Այն ժամանակ, երբ հեղափոխության վայրէջքի մթնոլորտում մտավորական հեղափոխական սոցիալիզմով կրատներին մի մասը սկսեց հարել հակամարքսիստական այլևայլ հոսանքների, Արտաշես Կարինյանը Բաքվում մտավ բուլշևիկների կուսակցության շարքերը, դարձավ համոզված լենինյան: 1907-ին նա անձնապես ծանոթացավ և գաղափարական բարեկամություն հաստատեց հավատարիմ լենինյաններ Ստեփան Ծահումյանի, Սուրեն Սպանդարյանի, Ալյոշա Ջափարիձեի, Վլադիսլավ Կասպարովի, Իվան Ֆիոլետովի, Սարգիս Կասյանի, Մեղադի Աղիզբեկովի և այլ աննկուն բուլշևիկների հետ: Սկսեց ակտիվ աշխատակցել Բաքվի բուլշևիկյան մամուլին՝ «Բակինսկի ուրախ», «Գուդոկ» և այլ թերթերին: 1907-ին կովկասցի մի խումբ համալսարանական ուսանողների հետ միասին Արտաշես Կարինյանին բախտ վիճակվեց Ֆլունդիայի Տերիոկի (այժմ Զելե-

նոգորսկ) քաղաքում տեսնել և լսել մեծահանճար առաջնորդ Վլադիմիր Իլյիչ Լենինին: «Լսելով Լենինին,—գրել է նա,—մենք տեսանք և համոզվեցինք, որ նուրիսկ Շերթաֆիկ մոմենտի» մասին կարդացած իր զեկուցման մեջ ակադեմիկոս Նեղափոխական տրիբունը միաժամանակ շատ խոհուն գիտնական էր. որի զեկուցման թե՛ կուռ հյուսվածքը և թե՛ մեթոդոլոգիան մեզ՝ երիտասարդ մարքսիստներիս համար շատ և շատ ուսանելի են: Մոտավորապես երեք ժամ խոսեց Լենինը, և մենք լսում էինք անհագ ուշադրությամբ: Բոլոր փաստերը նրա զեկուցման մեջ կապակցված էին միմյանց հետ և նորից հաստատում էին գալիք հեղափոխական նոր բեկումների անխուսափելիությունը»¹:

Վ. Ի. Լենինին երկրորդ անգամ նա տեսել և լսել է փետրվարյան հեղափոխությունից հետո, 1917 թ. ապրիլին, Ֆինլանդական կայարանի հրապարակում:

Ինչպես տեղատվության, այնպես էլ նրան հաջորդած բանվորական հեղափոխական շարժման նոր վերելքի ժամանակաշրջանում, առաջին համաշխարհային պատերազմի տարիներին, 1917 թ. փետրվարյան բուրժուազեմոկրատական և Հոկտեմբերյան սոցիալիստական մեծ հեղափոխության, ինչպես և Անդրկովկասում սովետական իշխանության հաստատման համար մղած պայքարում Ա. Կարինյանը եղել է առաջին գծում, պրոպագանդել է մարքսիստական-լենինյան գաղափարները, հրապարակախոսական ակտիվ գործունեություն է ծավալել, դասախոսություններով և զեկուցումներով հանդես է եկել բանվորական ժողովներում, նեցուկ դարձել բոլշևիկյան մի շարք պարբերականների, այդ թվում՝ մարքսիստական «Նոր խոսք» հանդեսին, «Սոցիալ-լեմոկրատ», «Պայքար» և այլ թերթերին:

Արտաշես Կարինյանի կենսապատմի, հատկապես ժուռնալիստական-հրապարակախոսական գործունեության ուշագրավ էջերից է Բաքվի ժամանակաշրջանը: 1910-ին ավարտելով համալսարանը, նա վերադառնում է իր ծննդավայրը, շարունակում հեղափոխական պայքարը: Նրա ժուռնալիստական գործունեության հետ սերտորեն առնչվում է 1911 թ. նոյեմբերից մինչև 1912 թ. հունվարը Բաքվում Ստ. Շահումյանի խմբագրությամբ լույս տեսած մարքսիստական հայերեն առաջին լեզու հանդեսը՝ «Նոր խոսքը»: Կապ հաստատելով այդ ժամանակ բանտում գտնվող Ստ. Շահումյանի հետ, Ա. Կարինյանը «Նոր խոսքը» վարում է բոլշևիկյան դիրքերից: Նա ամեն բան անում է հայերեն բոլշևիկյան միակ պարբերականը պահպանելու, պրոլետարիատի գաղափարախոսության ամբիոն դարձնելու համար: Նա ոչ միայն հանդեսի խմբագրական կոլեգիայի անդամ էր, նրա քարտուղարը, այլև հիմնական հոդվածների հեղինակներից: «Նոր խոսքում» են լույս տեսել Ա. Կարինյանի «Գյուղացին ուսահայ գրականության մեջ» (1911, № 1—2, 1912, № 5—6), «Գծեր արեմտահայ գրականությանից. Զոհրապ, Պարթևյան, Շահան Նաթալի» (1912, № 3—4), գրաքննադատական էսքիզներ՝ գրախոսականներ, նվիրված Վահան Տերյանի և Հակոբ Հակոբյանի բանաստեղծությունների ժողովածուներին: Դրանք մարքսիստական հայ գրականագիտության առաջին գործերից են:

Ա. Կարինյանը «Նոր խոսքին» իր աշխատակցությամբ որոշակի ավանդ է ներդրել բոլշևիկյան հայ ժուռնալիստիկայի անդաստանում, ճանաչում գտել հեղափոխական պրոլետարիատի և հրապարակախոսների շրջանում: Ռուսաստանի և Անդրկովկասի, այդ թվում՝ Հայաստանի աշխատավորության հեղափոխական դաստիարակության և համախմբվածության, մարքսիզմ-լենինիզմի տարածման գործում մեծ դեր է խաղացել Լենինյան «Պրավդան», որի առաջին համարը լույս է տեսել 1912 թ. ապրիլի 22-ին (մայիսի 5-ին): Հայ անդամակ պրավդիստներից է և Արտաշես Կարինյանը: 1913—1914 թթ. «Պրավդայում» հրատարակած իր հոդվածներով նա ճշմարտացիորեն արտացոլել է երկրամասի հասարակական-քաղաքական կյանքը, պաշտպանել գրականության ժողովրդայնության և քննադատական ուսելիքի սկզբունքները:

¹ Հին բոլշևիկների հիշողությունները. գիրք երկրորդ, Երևան, 1961, էջ 34:

«Պրավդայում» են լույս տեսել Ա. Կարինյանի «Ռեալիզմի վերածնունդը» (տե՛ս «Պուտ Պրավդի», 26 հունվարի 1913, ստորագրությունը՝ Մ. Կալինին), «Մաքսիմ Գորկու «Հերիաթները» (23 փետրվարի, ստորագրությունը՝ Մ. Կալինին), «Բանվորի գրագարան» (30 մարտի), «Բաքվի գործագուլը և ազգային հարցը» («Տրուդովայա պրավդա», 4 հուլիսի 1914) և այլ արժեքավոր հոդվածները:

Հայաստանում մարքսիզմ-լենինիզմի շաղափարների պրոպագանդման գործում մեծ նրախտիք ունի կրթված մարքսիստը: «Պայքար», «Սոցիալ-դեմոկրատ», «Բանվորի կոիվը», «Բանվորի խոսքը», «Տեղեկատու», «Կարմիր դրոշակ», «Կոմունիստ» (Մոսկվա) և այլ պարբերականներում նա բեղմնավոր գործունեություն է ծավալել: Գտնվելով հեղափոխական իրադարձությունների հորձանուտում, քայլ առ քայլ հետևել է քաղաքական կյանքին՝ հրապարակախոսության նյութ դարձնելով հեղափոխական դեմոկրատների ազատատենչ գաղափարները, ռուսական երեք հեղափոխությունների նշանավոր իրադարձությունները, բոլշևիկյան կուսակ-



ցության ստրատեգիական և տակտիկական խնդիրները, ականավոր հեղափոխականների սխրանքները:

Ա. Կարինյանի հեղափոխական գործունեությունը, հատկապես Բաքվի բոլշևիկյան կազմակերպության շարքերում, աննկատ ըմնաց ցարական պահանորդության տեսադաշտից: 1913 թ. նա մի խումբ բանվոր հեղափոխականների ու բոլշևիկների հետ միասին ձեռքակալվում է և բանտ նետվում, իսկ հետո արտաքսվում Կովկասի սահմաններից հինգ տարի ժամանակով: Նա արքորվում է Յարիցին (այժմ Վոլգոգրադ), որտեղից անցնում է Պետերբուրգ և այնտեղ մնում մինչև 1917 թ. փետրվարյան հեղափոխությունը: ՌՍԳԿ Պետրոգրադի կոմիտեի հանձնարարությամբ 1917-ի աշնանը Արտաշես Կարինյանը վերադառնում է Բաքու, պայքարում է երկրամասում սովետական կարգերի հաստատման ու ամրապնդման համար: Ստ. Շահումյանի և Ա. Ջափարիձեի առաջարկությամբ նշանակվում է ռուսերեն լեզվով հրատարակվող Բանվոր, գինվոր և նավաստի պատգամավորների Բաքվի խորհրդի «Տեղեկատուի» գլխավոր խմբագիր, ընտրվում է Բաքվի խորհրդի գործկոմի անդամ: «Տեղեկատուն» խոշոր դեր է խաղացել սովետական իշխանության առաջին ղեկընդնների ու միջոցառումների պարզաբանման, Բաքվի բազմազգ պրոլետարիատի դասակարգային համերաշխության և համախմբման գործում:

Արտաշես Կարինյանի հեղափոխական գործունեության լուսապսակն է կազմում 1918 թ. Ստ. Շահումյանի գլխավորած Բաքվի հերոսական կոմունայի արդարադատության կոմիսարի պոստում կատարած աշխատանքը: Բաքվի կոմունան Անդրկովկասի ժողովուրդների բարեկամության և համախմբվածության լուսատու ջահն էր, մեծ Հոկտեմբերի գաղափարների կենդանի մարմնավորումը: Արտաշես Կարինյանը Ստ. Շահումյանի, Ա. Ջափարիձեի, Մ. Ազիզբեկովի, Ի. Ֆրոլետովի, Գ. Կորգանովի (Ղորղանյան) և մյուս կոմիսարների հետ միասին մշակում է կոմունայի սոցիալիստական օրենսդրական ակտերը, հետևում սոցիալիստական օրինականության պահպանմանը, լենինյան ցու-

ցումների կատարմանը, գործուն մասնակցություն ցուցաբերում ներքին և արտաքին թշնամիների դեմ մղվող պայքարին:

Կոմունալի ժամանակավոր անկումից հետո Արտաշես Կարինյանը 1918—1920 թթ. աշխատել է Մոսկվայում՝ ՌՍՖՍՀ-ի ազգությունների ժողովրդական կոմիսարիատին կից հայկական գործերի կոմիսարիատում, խմբագրել է «Կոմունիստ» շաբաթաթերթը, հրատարակչական բեղմնավոր գործունեություն ծավալել: Մարքսիստական այդ պարբերականում և «Բանվորի խոսքում» են (Բաբու) լույս տեսել նրա «Վերջին պայքարը», «Անգլիական իմպերիալիզմը և Արևելքը», «Հայ լիբերալները և Տաճկահայաստանը», «Տաճկահայաստանը և հեղափոխական սոցիալ-դեմոկրատիան», «Տաճկահայաստանը և եվրոպական իմպերիալիստները» և այլ հոդվածներ:

1919 թ. մայիսից մինչև սեպտեմբերը Ա. Կարինյանի խմբագրությամբ Մոսկվայում հրատարակվել է ՌՍՖՍՀ ազգությունների ժողովրդատին կից հայկական գործերի կոմիսարիատի օրգան «Կարմիր դրոշակ» թերթը: «Հրանտ», «Վինչ», «Ա. Կ.», «Ջոն» և այլ ստորագրություններով լույս են տեսել Կարինյանի բազմաթիվ հոդվածներ, այդ թվում՝ «Անդրկովկասի արդի կացությունը», «Բրեստ և Վերսալ», «Անկախ Հայաստան», «Հայ ժողովրդի թշնամիները», «Կովկասյան պրոլետարիատի պարադուխները», «26 կոմիսարների հիշատակին» և այլն:

Արտաշես Կարինյանը՝ Անդրկովկասում սովետական իշխանության հաստատման համար մղած պայքարի ակտիվ շարունակներից է, պրոլետարական ինտերնացիոնալիզմի համոզված պաշտպան: Նրա հրապարակախոսությունը ներծծված է հայրենասիրության և ժողովուրդների բարեկամության գաղափարներով:

1921 թ. ՀամԿ(բ)Կ Կենտկոմի կազմբյուրոյի որոշմամբ Ա. Կարինյանը մոբիլիզացվում և ուղարկվում է Հայաստան, Ալ. Մյասնիկյանի գլխավորած Սովետական Հայաստանի առաջին կառավարության կազմում ստանձնում արդարադատության ժողկոմի պաշտոնը:

1921—1922 թթ. Հայաստանի կոմկուսի Կենտկոմի և Հայկական ՍՍՀ ժողովրդախորհի որոշմամբ եղել է արտասահմանում Թուրքիայում և Ամերիկայի Միացյալ Նահանգներում, ծանոթացել է հայկական գաղթօջախներին՝ համայնքներին, աշխատանք է կատարել սփյուռքահայության շրջանում: Հետագայում աշխատել է կուսակցական-սովետական ղեկավար մարմիններում՝ հղել է Հայաստանի Կենտգործկոմի նախագահի տեղակալ (1923—1924), նախագահ (1924—1928), ՀամԿ(բ)Կ Անդրերկրկոմի պատմության ինստիտուտի դիրեկտորի տեղակալ (1932—1933), Հայկական ՍՍՀ լուսժողկոմի տեղակալ (1933—1934): Խմբագրել է «Նոր ուղի», «Անդրկովկասի ժողովրդական տնտեսություն» հանդեսները: Արտաշես Կարինյանը բազմիցս ընտրվել է Հայաստանի կոմկուսի Կենտկոմի անդամ, ՀՍՍՀ Կենտգործկոմի և Անդրկենտգործկոմի նախագահության կազմում, իղել է ՀԿԿ Կենտկոմի բյուրոյի անդամ:

1940-ական թթ. սկսած Արտաշես Կարինյանը, իբրև գրականազետ-պատմաբան փոխադրվում է գիտական աշխատանքի, արգասավոր գործունեություն ծավալում Հայկական ՍՍՀ գիտությունների ակադեմիայում՝ սկզբում Մ. Աբուխյանի անվան գրականության, իսկ հետո՝ պատմության ինստիտուտներում: 1956 թ. ընտրվել է Հայկական ՍՍՀ ԳԱ իսկական անդամ, եղել է ՀՍՍՀ ԳԱ հասարակական գիտությունների բաժանմունքի ակադեմիկոս-քարտուղար (1960—1963), ԳԱ վիցեպրեզիդենտի պաշտոնակատար (1963—1965), ՍՍՀՄ Մինիստրների խորհրդին առընթեր գրականության և արվեստի բնագավառում կենդանի մրցանակներ շնորհող կոմիտեի անդամ: Նրան շնորհվել է գիտության վաստակավոր գործչի կոչում (1961), պարգևատրվել է կենդանի երկու, Աշխատանքային Կարմիր դրոշի, Հոկտեմբերյան հեղափոխության շքանշաններով: Հեղափոխական շարժումներին մատուցած ծառայությունների և գիտության զարգացման գործում ներդրած ծանրակշիռ ավանդի համար 1976 թ. Արտաշես Կարինյանին շնորհվել է սոցիալիստական աշխատանքի հերոսի կոչում:

Արտաշես Կարինյանը Ստ. Շահումյանի, Ս. Սպանդարյանի, Ա. Մյասնիկյանի և այլոց հետ միասին հանդիսանում է հայ մարքսիստական գրաքննադատության հիմնադիրներից մեկը: Նա նշանավոր գրականագետ և պատմաբան էր, հայ հասարակական մտքի պատմության խոր գիտակ: Սկսած իր «Գրականություն և կյանք» հոդվածից, որը հրատարակվել է 1906 թ. մինչև մահից առաջ լույս տեսած «Ժողովուրդների եղբայրության դրոշի ներքո» ստվար ժողովածուն և այլ դրքույկներն ու հոդվածները, Ա. Կարինյանը հրապարակել է ավելի քան 450 մեծ ու փոքր մենագրություն, հոդված, ակնարկ, հուշ, գրախոսություն, որոնք առգործված են գիտականության, ճշմարտության, լինիյան կուսակցականության և սկզբունքայնության ոգով: Նրանք փաստական հարուստ նյութ և ընդհանրացումներ են պարունակում, աչքի են ընկնում ինքնատիպ և զորահանգումներով, կրում են ժամանակի կնիքը:

Հայն ու համակողմանի են Ա. Կարինյանի գիտական, ժուռնալիստական-հրապարակախոսական գործունեության շրջանակները: Նրա հոդվածներն ու աշխատությունները նվիրված են հայ հասարակական-քաղաքական մտքի և մամուլի պատմությանը, հեղափոխական շարժումներին և կոմունիստական կազմակերպությունների գործունեությանը, ուսու գրականությանը ու համաշխարհային մշակույթին, հայ-ռուսական հարաբերություններին, ժողովուրդների եղբայրությանն ու բարեկամությանը, կոմունիստական շինարարությանը, մարքսիզմ-լենինիզմին:

Կարինյանը հայ ժողովրդի հեղափոխական պայքարի, սոցիալիստական հոյակապ վերափոխությունների գործուն մասնակիցն է և տարեգիրը: Նա անմոռաց էջեր է թողել Անդրկովկասի բոլշևիկյան մամուլի պատմության մեջ, ղեկավար մասնակցություն ցուցաբերել մարքսիստական հայ մամուլի ձևավորման ու զարգացման հույժ կարևոր գործին: Իբրև ժուռնալիստ-հրապարակախոս արձագանքել է ժամանակի իրադարձություններին: Արտաշես Կարինյանի գրքերն են պատկանում «Հայաստանի ապագան» (1919), «Ալ. Մարտունի-Մյասնիկյան» (1925), «Հայ ազգայնականների ուղին» (1926), «Դեմքեր և դեպքեր», (1928), «Դաշակցությունը և իր զինակիցները» (1931), «Անտոն Չեխով» (1954), «Գրական արձագանքներ» (1955), «Ակնարկներ հայ պարբերական մամուլի պատմության» (հ. 1—2, 1956, 1960), «Գրական-քննադատական հոդվածներ» (1962), «Հովհաննես Թումանյան» (1971), «Ծղիշե Չարենց» (1972), «Մամուլյանը մշակույթի պատմության մասին» (1973), «Ժողովուրդների եղբայրության դրոշի ներքո» (1976) և այլ աշխատություններ:

Մեծ է նրա վաստակը հայ-ռուսական հարաբերությունների, ուսու ժողովրդի առաջատար դերի, Բաքվի կոմունայի և նրա ղեկավարների՝ Ստ. Շահումյանի, Ա. Ջափարիձեի, Մ. Ազիզբեկովի, Ի. Ֆիոլետովի, Յա. Ջեվիլի և մյուս կոմիսարների հեղափոխական գործունեության լուսաբանության ասպարեզում: Հայ ժողովրդի նոր և նորագուն շրջանի և Հայաստանի կոմկուսի պատմության մի շարք հարցեր Ա. Կարինյանը քննարկել է «Իմպերիալիստական պատերազմը և Հայաստանը», «Հեղափոխական և ազգային շարժումները Անդրկովկասում 1905-ին» և այլ աշխատություններում: Նա առաջիններից մեկն է եղել, որ ձեռնարկել է լեգենդար հեղափոխական Կամոյի (Սիմոն Տեր-Պետրոսյանի) կենսագրությունը ստեղծելու: «Կամո» ակնարկում, որ առաջին անգամ լույս է տեսել 1958 թ., Կարինյանը գրում է, որ 1919-ին Մոսկվայում իր խնդրանքով Կամոն պատմել է հուշերը, իսկ ինքը գրի է առել, շուրջ 180 էջ: Ըստ աշխատում էի վերարտադրել նրա պատմությունը,— գրում է Ա. Կարինյանը,— առանց «նախշելու» կամ գեղազարդելու, ճշտիվ արձանագրում էի միմիայն նրա խոսքերը և մերթ ընդ մերթ հարցեր տալով պարզում անորոշ մանրամասները կամ հպանցիկ խոսքերը:

Հետագայում այդ թերթիկները կորան և անհետացան՝ ինձնից անկախ պատճառներով²։ Թեև նա կորցրել է իր գրառումները, բայց շուրջ շորս տասնամյակ անց նա կրկին անդրադարձավ այդ թեմային և գրեց իր արժեքավոր հուշ-նովելներից մեկը։ Արտաշես Կարինյանի գիտական-հրապարակախոսական գործունեության մեջ գերակշիռ է գիտության, գրականության, մշակույթի պրոպագանդան։ Նա նույն հաջողությամբ գրել է Ամիրզոյլայթի և Ալիշեր Նավոյի, Անտոն Չեխովի և Մովսես Արագու, Ջորջ Բայրոնի և Գրիգոր Զոհրապի, Ալեքսանդր Գրիբոյեդովի և Գրիգոր Արծրունու, Չարլզ Դիկենսի և Դրաստամատ Տեր-Սիմոնյանի, Էմիլ Վերհարնի և Էգգար Շահինի, Միքայել Նալբանդյանի և Տարաս Շևչենկոյի, Ռոմեն Ռոլանի և Ստենկա Ռագինի և ուրիշ շատ ու շատերի մասին։ Նա միևնույն բանիմացությամբ գրել է ադրբեջանական պոեզիայի անթրոպոլոգիայի և Անատոլ Ֆրանսի, Գերցենի և Սաբիրի, Մարատի և Կորնել Չուկովսկու, Շեքսպիրի և Պուշկինի, հեթանոս հայերի և Ա. Ռադիշևի, «Հյուսիսսփայլ» հանդեսի և Մարտիրոս Սարյանի, Ռաֆֆու և Օսկար Ուայլդի մասին։ Հրապարակախոսական ժանրերից Կարինյանը ամենից շատ օգտագործել է գրախոսությունը։ Նա ավելի քան 100 գրախոսության հեղինակ է։ Իսկ թե քանի նիշով են հաշվվում նրա կարգացած գրքերը, ոչ ոք, այդ թվում և ինքը, չէր կարող հաշվել, քանզի նա մեր երկրի եզակի գրասերներից էր։ Ա. Կարինյանի գրական ժառանգությունը հանրագիտարանի տպավորություն է թողնում, որը ամենից առաջ հեղինակի համակողմանի զարգացման, գիտական էրուդիցիայի առհավատյան է։ Տասնյակ տարիներ նա անխոնջ հետևել է հասարակացական-քաղաքական, գրական-մշակութային շարժման կենդանի ու կրակոտ իրադարձություններին, բուլշևիկյան ուղղամտությամբ միջամտել նրանց ընթացքին և նպաստել սովետահայ մտավորականության առաջընթացին։ Կանգնած լինելով սոցիալիստական ռեալիզմի գրականության օրրանի մոտ՝ նա խոր բանիմացությամբ, գրականության կուսակցականության լենինյան սկզբունքների բարձրակետից ակտիվ մասնակցություն է ցուցաբերել նրա հիմնարար դրությունների մեթոդաբանական պրոբլեմների մշակմանը, հարվածել թերահավատներին, տեսականորեն պաշտպանել սոցիալիստական գրականության իրավունքը։ Նրա գործունեության անբաժան մասն է կազմում բուրժուական գաղափարախոսության, դաշնակցության, մարքսիստական և լենինյան գաղափարները նենգափոխողների, ռենեգատների և ուղիղիստների դեմ մղած անհաշտ և հետևողական պայքարը։

1934 թ. լույս է տեսել Ա. Կարինյանի երկերի ժողովածուի առաջին հատորը, որում զետեղված են բուլշևիկյան մամուլում հրապարակված ավելի քան 35 հոդված։ Հետագայում հրատարակվել են նրա «Նալբանդյանը և ԱԻՄ դարի 60-ական թվականների ռուս առաջավոր գործիչները», «Զերնիշևսկին և սարբերական մամուլի մի քանի հարցեր», «Հոկտեմբերյան հեղափոխությունը և հայ մշակույթի ծաղկումը», «Պրավդան» նախահոկտեմբերյան տարիներին», «Անդրկովկասի ժողովուրդների կուլտուրական համագործակցությունը»։ 1962 թ. լույս տեսավ Ա. Կարինյանի «Գրական-քննադատական հոդվածներ» ժողովածուն։ Նրանում տեղ են գտել գիտնականի տարբեր ժամանակներում հրատարակած այն հոդվածները, որոնք քննարկում են գրական-ժառանգության պրոբլեմները։ Սույն ժողովածուն Ա. Կարինյանի գրականագիտական հոդվածների ընտրանին է։ Առաջին բաժնում զետեղված են նախահոկտեմբերյան շրջանում բուլշևիկյան «Պրավդայում» տպագրված հոդվածները։ Այնուհետև նոր խմբագրությամբ, մասնակի կրճատումներով, լրացումներով և փոփոխություններով զետեղվել են «Բայրոն և Ստենդալ», «Բայրոն և Թումանյան», «Ռոմեն Ռոլան», «Տարաս Շևչենկո», «Ռադիշև», «Պուշկինն այսօր», «Գրգորի ուղին», «Մաքսիմ Գորկի», «Միխայիլ Շոլոխով» ուսումնասիրությունները, «Աշխատանքի մտտիվները սովետական գրականության մեջ», «Մ. Նալբանդյանը և 60-ական թվականների ռուս առաջավոր գործիչները», «Ռուս-հայ գրական կա-

² Տե՛ս «Էին բուլշևիկների հիշողությունները» գիրք առաջին, երկան, 1959, էջ 134։

պերից», «Եղիշե Չարենցի ստեղծագործական ուղին», «Հոկտեմբերյան ռևոլյուցիան և հայ մշակույթի ծաղկումը» և գրաքննադատական այլ ակնարկներ:

Կարինյանը ինչպես վերոհիշյալ, այնպես էլ այլ աշխատություններում՝ ջանում է աղատվել անցյալում թույլ տված սխալ ձևակերպումներից ու գնահատումներից, որոնց վրա, անշուշտ, վաղանցուկ ժամանակի կնիքն է եղել, փորձում է նորովի մեկնաբանություններ տալ, արձագանքում է նոր ժամանակներին և գրականագիտության արդի պահանջներին: Առհասարակ Ա. Կարինյանը իր ժամանակի ծնունդն է: Նրա աշխատությունները, հատկապես գրաքննադատական և պատմագիտական հոդվածները, իրենց անուրանալի արժեքավորությամբ, զերծ չեն թերություններից, առանձին դեպքերում՝ սխալներից, կյանքի և պատմության կողմից մերժված տեսակետներից ու կոնցեպցիաներից: Դա դրում էր նաև ինքը: Այդ է պատճառը, որ կյանքի վերջին տարիներին նավերանայում էր իր գործերը, թարմացնում, պատրաստում նոր հրատարակություն:

1976 թ. լույս տեսավ «Ժողովուրդների եղբայրության դրոշի ներքո» հոդվածների ժողովածուն, որտեղ ղետեղված են Կարինյանի՝ սովետական մամուլում հրապարակված գրաքննադատական, գիտական, հրապարակախոսական ակնարկները: Դրքում տեղ են գտել 49 հոդված. այդ թվում՝ «Բայրոն և Թումանյան», «Գորոշի ուղին», «Ռուսահայ գրական կապերի պատմությունից», «Հոկտեմբերյան հեղափոխությունը և մշակույթի ծաղկումը», «Ռուսական տպագրության 400-ամյակը» և այլ նյութեր: Ժողովածուում զետեղված շատ նյութեր, որ քաղված են «Գրական-քննադատական հոդվածներ» գրքից, հեղինակի կողմից նորից և նայվել և խմբագրվել: Կան նաև նոր հոդվածներ, ինչպես, օրինակ, «Մեծ հումանիստ-գրող Հակոբ Պարոնյանը», «Բաֆթին և իր ուսակցիոն քննադատը», «Նոր Սարյանը», «Իրաստամատ Տեր-Սիմոնյան» և այլն:

Ակադեմիկոս Ա. Կարինյանը «Ժողովուրդների եղբայրության դրոշի ներքո» ժողովածուն համարում էր իր հրապարակախոսական և գրական-քննադատական հոդվածների ընտրանին: Առաջին բաժնում տեղ գտած ինը այլ հոդվածների հետ միասին ուսուերեն լեզվով զետեղված են երեք չափազանց ուշագրավ հոդվածներ, որոնք նվիրված են Բաքվի 1917—1918 թթ. բոլշևիկյան մամուլի պատմությանը: «Բաքվի պարբերական մամուլի բնութագրման շուրջը», «Կուսակցական խոսքի շարքայինները» և «1918 թվականի Բաքվի կոմունայի օրերին կուլտուրական ճակատում» հուշագրություններում, որ առաջին անգամ լույս են տեսել 1966 թ. Ադրբեջանական ՍՍՀ 9 Ա «Տեղեկագրում», փաստական հարուստ նյութերի և սեփական դիտարկումների հիման վրա հյուսվել են կոմունայի պատմության համեմատաբար քիչ ուսումնասիրված բնագավառի, կուլտուրական ճակատի դրվագները: Բաքվի կոմունայի գործունեությունը ընդհանուր ֆոնի վրա բացվում են «Բակինսկի Ռաբոչի», «Բանվորի խոսք», «Տեղեկատու», «Սոցիալ-դեմոկրատ» և բոլշևիկյան այլ պարբերականների հեղափոխական կոչերով, ճշմարտացի խոսքով հագեցած էջերը: Հեղինակը խորապես ռացիալապես է ակնաւոր հեղափոխական, ժուռնալիստ-հրապարակախոս և խմբագիր Ստեփան Շահումյանի անձանձիր գործունեությունը, խոշոր ավանդը կոմունիստական շարժման և նրա մամուլի պատմության մեջ: Հաջող է տրված Կովկասի բոլշևիկյան մամուլի պայքարը բուրժուական նացիոնալիստական մամուլի, դաշնակցական, մուսավաթական գրչակների դեմ: Արժեքավոր փաստեր կան Բաքվի կոմունայի տպագիր օրգաններից «Տեղեկատու» թերթի և նրա խմբագիր Անաստաս Միկոյանի հեղափոխական-ժուռնալիստական գործունեության մասին: Բոլշևիկյան մամուլի պատմաբանները, հատկապես Անդրկովկասի պատմաբանները, տակավին ըստ ամենայնի չեն բացահայտել մամուլի շարքային աշխատակիցների և թղթակիցների ծառայությունները: Օգտակար են այդ ուղղությամբ Ա. Կարինյանի թափած ջանքերը: Նա ստեղծել է մի շարք բանվոր հեղափոխականների կենսագրություններ, բացահայտել է նրանց հրապարակախոսական-ժուռնալիստական գործունեությունը: Մա-

մուլի պատմության հարցերը լուսաբանություն են ստացել նաև Ա. Կարինյանի «Պրավդան» նախահոկոսների տարիներին» հուշագրությունում: «Բայրոն և Թումանյան» ակնարկում հեղինակը ցույց է տվել Բայրոնի ազգացույցունը Հովհաննես Թումանյանի, նրա գեղարվեստական ստեղծագործությունների վրա: «Պուշկինն այսօր» ակնարկը, որ գրել է 1949-ին, աչքի է ընկնում մտքի խորությամբ և ինքնատիպ եզրահանգումներով:

Շատ նորություններ կան Հակոբ Պարոնյանին նվիրված աշխատության մեջ: Հ. Պարոնյանը և՛ գեղագիր էր, և՛ հրապարակագիր: Նա հարազատ և սիրելի էր ոչ միայն արևմտահայ, այլ նաև արևելահայ դեմոկրատական լայն խավերին: Պարոնյանը հայ երգիծական գրականության ուսուցիչն է, նրա մտրակը միշտ շաշել է հարստահարողների վրա: «Ռաֆֆին և իր ռեակցիոն քննադատը» հոդվածում ճշմարտապատում կերպով տրված է հայ մեծանուն վիպասանի, հայրենասերի և հումանիստի պատմական դերը, քննադատված Հայկունու ավագ քահանա Նղիշ Գեղամյանի ռեակցիոն նկրտումները:

Ա. Կարինյանը տարբեր տարիների անդրադարձել է Նղիշ Զարենցի գրական ստեղծագործության գնահատմանը: 1972 թ. առանձին գրքույկով լույս է տեսել նրա «Նղիշ Զարենց (հոդվածներ և հուշեր)» ժողովածուն: 1976-ին «Ժողովուրդների եղբայրության դրոշի ներքո» գրքում գետնի վրա է «Նղիշ Զարենցի ստեղծագործական ուղին» ծավալուն ուսումնասիրությունը: Նրանում հանգամանորեն քննարկված են Զարենցի՝ Վ. Ի. Լենինին, հեղափոխությանը, ազատարար Հոկոսների նվիրված բանաստեղծական շարքերը: Զարենցի մասին իր կյանքի վերջին տարիներին գրած ուսումնասիրություններում Կարինյանն ազատագրվել է 1920—1930-ական թթ. թույլ տված իր սխալներից, վերադնահատել մեր ժամանակի ամենատաղանդավոր հայ բանաստեղծին, հեղափոխության երգչին:

Ակադեմիկոս Ա. Կարինյանը ոչ միայն նշանավոր գրականագետ էր, ժուռնալիստ-հրապարակախոս, այլև պատմաբան, հայ հասարակական-քաղաքական մտքի պատմության տեսաբան: Նրա աշխատությունները զգալի դեր են խաղացել հայ ժողովրդի պատմության նոր և նորագույն շրջանի պրոբլեմների գիտական լուսաբանության ասպարեզում: Փուլթ չէ, որ նրա առանձին գրույթներն սխալ են և անընդունելի: Բայց նույնիսկ դրանք առիթ են ծառայել գիտական բանավեճերի համար, օգնել են ճշմարտության բացահայտմանը: Ա. Կարինյանի հեղափոխական, գիտական գործունեությանը բնորոշ է բուրժուական գաղափարախոսության, այդ թվում՝ բուրժուանացիոնալիստական դաշնակցություն կուսակցության և նրա պարագլուխների դեմ մղած անհաշտ ու հետևավորական պայքարը: Այդ տեսակետից ուշագրավ է գիտնականի «Դաշնակցությունը և նրա զինակիցները» գիրքը, որը լույս է տեսել 1932 թ.: Նրանում տեղ են գտել «Դասակարգային պայքարը և իդեոլոգիական աշխատանքի պրոբլեմները», «Հայ բուրժուազիայի իդեոլոգիական պայքարի պատմությունից», «Բաքվի կոմունան և դաշնակցությունը», «Քաղաքացիական պատերազմը Հայաստանում» և այլ հոդվածներ: Ինչ խոսք, գրանցում շոշափված որոշ հարցեր այժմ նորովի են պարզաբանվում:

Ա. Կարինյանի գրվածքներում ուրույն լուսաբանում են գտել արևմտահայ հասարակական-քաղաքական կյանքի հարցերը: Նա լավ գիտեր իր ժամանակի հայկական սփյուռքը և արևմտահայ գրականության ու մշակույթի գործիչներին: Արևմտահայ գրականության ու հասարակական մտքի ներկայացուցիչների մարքսիստական գնահատման համար արժեքավոր են «Մ. Մամուրյանը մշակույթի պատմության մասին», «Արևմտահայ լուսավորիչները 1860—70 թվականներին» և այլ հոդվածները:

Արտաշես Կարինյանի երկարամյա գիտահետազոտական պրպտումների արգասիքն են «Ակնարկներ հայ պարբերական մամուլի պատմության» առաջին երկու մեծագիր գրքերը: «Ակնարկները» գիտնականի «գլխավոր գիրքն է»: Առաջին հատորը, որ լույս է տեսել երեսուն տարի առաջ, 1956 թ., ընդգրկում է գաղութահայ համայնքների և հնդկահայ պարբերական մամուլի նկարագրա-

կան ուրվագծերը: Հատորն ունի «Նախաբան» և կազմված է հետևյալ բաժիններից՝ «Նյութեր և աղբյուրներ», «Գաղութահայ օջախները XVII—XVIII դարերում», «Հայ մամուլի և հրատարակատնությունների սկզբնավորողները», «Հնդկահայ պարբերական մամուլը» («Ազդարար», «Շտեմարան», «Ազգասեր», «Ազգասեր արարատյան», «Ուսումնասեր», «Եղբայրասեր»), «Վերջաբան»: Գիտնականը պատշաճն է տվել պրոբլեմի նախորդ մշակողներին, մատենագետներին, ըստ արժանավուն զնահատել նրանց գիտական վաստակը: Հաջող է ներկայացված հայ պարբերական մամուլի սկզբնավորումը, գաղթօջախների (սփյուռքի) և նրանց մամուլի, խմբագիրների, տպարանների պատմությունը: Հատորն ամբողջությամբ վերցրած նորույթ էր: Բայց այն զերծ չէ նաև բանավեճ հարուցող ձևակերպումներից, Նյութի կրկնություններից: «Ակնարկներ հայ պարբերական մամուլի պատմության» երկրորդ հատորը (1960) բովանդակում է Արևմտյան Եվրոպայում՝ Իտալիայում (Վենետիկ), Ավստրիայում (Վիեննա) և ապա Ֆրանսիայում (Փարիզ) XIX դարի սկզբից մինչև 70-ական թթ. հրատարակված հայ պարբերականների պատմությունը: Հատորը բացվում է «Գաղութահայ մտքի ներկայացուցիչները Արևմտյան Եվրոպայում XIX դարի առաջին հիսնամյակին» և «Գաղութահայ պարբերականների առաջին խմբագրի մտահայեցությունը» ծավալուն ուսումնասիրությամբ: Թեև, ինչպես ասվեց, հեղինակի որոշ հարցադրումներ առարկություններ են հարուցում, բայց հատորում ընթերցողը հարուստ նյութեր է գտնում Մխիթարյանների, հատկապես Ղուկաս Ինճիճյանի գործունեության վերաբերյալ: Ղ. Ինճիճյանի խմբագրությամբ է 1800—1802 թթ. Իտալիայում հրատարակվել «Տարեգրություն» պարբերականը: Արևմտահայ պարբերականների համակարգում, հիրավի, յուրահատուկ տեղ ունեն Մխիթարյան միաբանության հրատարակությունները՝ «Տարեգրություն», «Եղանակ բյուզանդյան», «Բազմավեպ», «Եվրոպա» և այլն:

Ղուկաս Ինճիճյանն է խմբագրել նաև «Եղանակ բյուզանդյանը» (1803—1820), Գիտնականը ստեղծել է Ղ. Ինճիճյանի դիմապատկերը, ըստ ամենայնի զնահատելով նրա խմբագրական-հրատարակատնական գործունեությունը:

Հայ պարբերական մամուլի պատմության մեջ ինքնուրույն տեղ ունի «Բազմավեպը», որ հրատարակվում է 1843 թ. ի վեր: Նրա առաջին խմբագիրն էր Գաբրիել Այվազովսկին: Ա. Կարինյանը, գրքի 138 մեծադիր էջերում, հանգամանորեն շարադրել է «Բազմավեպի» պատմությունը, ընդգծել նրա տեղն ու դերը հայ մշակույթի, մասնավորապես մամուլի պատմության մեջ:

Գրքում քննարկված է փարիզահայ մամուլի՝ «Մասյաց աղափնի», Ա. Մուրադյանի «Փարիզ», Ստեփան Ոսկանի «Արևելք»—«Արևմուտք» և այլ պարբերականների գործունեությունը: Լավ է տրված «Արևելք» (1855—1856), «Արևմուտք» (1859—1864) պարբերականների և նրանց խմբագիր Ստեփան Ոսկանի, նրա շուրջը համախմբված աշխատակիցների և ակտիվ ընթերցողների հասարակական-քաղաքական հայացքների բնութագրությունը:

Ա. Կարինյանի «Ակնարկներ հայ պարբերական մամուլի պատմության» աշխատության երկու հատորները, որ աչքի են ընկնում նյութի հարստությամբ և գիտականությամբ, արժեքավոր ներդրում են հայ հասարակական մտքի, մշակույթի և մամուլի պատմության մարքսիստական-լենինյան լուսաբանության գործում:

Արտաշես Կարինյանը, ինչպես ճիշտ կերպով նկատել է ակադեմիկոս Աշոտ Հովհաննիսյանը, քայլող հանրագիտարան էր, թունդ գրքասեր, ժամանակի մեծ մասը նվիրում էր ընթերցանությանը: Գիրքը նրա համար կյանք էր: Կարողում էր հումանիտար, գիտատեխնիկական, գեղարվեստական գրականություն, գրքերի լուսանցքներում ուշագրավ նշումներ կատարում, գրախոսություններ գրում: Ընթերցողն սպասում էր նրա հուշագրություններին:

Մի առիթով Մաքսիմ Գորկին ասել է՝ մարզն ապրում է համակված մի քանի կյանքով: Այդպիսին էր և Արտաշես Կարինյանի անցած ճանապարհը:

Բայց նրա սյանքը գլխավոր իմաստը հավատն ու նվիրումն էր հայրենիքին, դիտույթյանը, գաղափարին:

Անկաղեմիկոս Արտաշես Կարինյանը կոմունիստ գիտնականի իսկական տիպար էր: Նա ապրեց ըստսաալից կյանքով: Ծրախաադետ սերունդները չեն մոռանա նրա բարի անունն ու գործը:

АРТАШЕС КАРИНЯН
(К 100-летию со дня рождения)

Проф. Х. А. БАРСЕГЯН

Резюме

В ноябре 1986 г. исполняется 100-летие со дня рождения видного большевика-революционера, партийного и государственного деятеля Закавказья, литературоведа-марксиста, историка, академика АН Армянской ССР, Героя Социалистического Труда Арташеса Баласпевица Кариняна.

В статье рассматривается плодотворный жизненный путь профессионального революционера из ленинской когорты, неумолимого ученого, журналиста-публициста. Велика заслуга А. Кариняна в создании и развитии армянской большевистской периодической печати, литературной критики, в разработке проблем общественно-политической мысли, армяно-русских взаимосвязей, в пропаганде мировой культуры, в частности, русской литературы. А. Каринян был одним из первых армянских «правдивых» публицистов, который в 1912—1914 гг. активно сотрудничал в большевистской «Правде».

Основным научным трудом А. Кариняна является двухтомное исследование «Очерки истории армянской журналистики», которое было тепло принято научной общественностью. В статье проанализированы, в частности, литературно-критические исследования академика А. Кариняна. Видный коммунист-ленинец оставил яркий след в истории армянской литературы и культуры.